

# DEO OPTIMO MAX. UNI ET TRINO.

VIRGINI DEIPARÆ ET S. LUCE,

Orthodoxorum Medicorum Patrono.



## QUÆSTIO MEDICA.

QUODLIBETARIIS DISPUTATIONIBUS

*manè discutienda in Scholis Medicorum, die Jovis sextâ mensis*

*Decembris, anno Domini M. DCC. LXXXVII.*

M. PETRO-AUGUSTINO ADET, Doctore Medico, Præside.

*An in Gonorrhœâ virulentâ Aqua simplex?*

### I.

**P**ROUT, in variis disciplinis, reconditorum crevit intelligentia, ita simpli-  
citatis viciniore exsurrexerunt recenter acquisitæ cognitiones; quo  
factum est, ut, in veritate detegendâ, velum plerumque procissum fuerit in  
gratiam eorum, qui soli, devictis studiorum ærumnis, hunc favorem merue-  
runt. Materia medica, cujus doctrina in morbis curandis adeo prodest, suos,  
æquè ac ceteræ disciplinæ, habuit progressus, sed concitatissimos. Naturæ  
fetus innumerabilis, quorum materia medica series est indicativa, ut ita di-  
cam, millies inter se comparati atque diversim collati, millies observatione  
factâ, demonstrârunt, substantiam unam, licet maximè parabilem, plus cœ-  
teris sapitis valere, solamque aliis nonnunquam esse præponendam. Attamen,  
palmâ datâ cuilibet substantiæ, hanc nolimus designare tanquam absolutorium  
mali remedium, quod ne Deus siverit; hanc verò vocem prorsus respuimus,  
tanquam vacuam, & in Medicinâ levis armaturæ. In stadium materiæ medicæ  
nullo vestigio progressuri fuisset, si, formulis numero incredibili medicamen-  
torum horrentibus, enixè sterissemus. Illud constat unum, quod imitati naturam,  
præsertim observando, & quamlibet substantiam circumspiciendo, tandem versùs  
simplicitatem aliquo passu perrexerimus.

Itaque, in diversis à Medicinâ clinicâ propositis exemplis, adducemus in  
medium Gonorrhœam virulentam, cujus in origine, remediis etiam numerosis-  
simis, pervicaciter reluctabatur curatio; hanc hodiè, ipsissimæ Aquæ simplici,  
debemus.

### II.

**G**ONORRHÆA is morbus est, qui urethræ canalem adoritur. Hæc  
affectio comites habet inflammationem, tensionem plus minus-ve spectabi-  
lem, dolorem acrem in primis diebus & acerbum, denique effluvium. Omis-  
sa



2

inquisitione circa naturam causarum remotarum & prædisponentium, immor-  
 bimur tantum causâ proximâ: illa enim est admotio simplex humoris virulenti  
 ad membranam internam canalis, quod non aliter fit nisi commercio impuro  
 cum personâ vitiatâ. Ea est stimuli virulenti actio, ut primum levem inflamma-  
 tionem procreet, quæ, titillatione quâdam dolorem præeunte, prius sentitur  
 quàm appareat effluvium; mox, crescente inflammatione, intervenit tensio;  
 tuncque sero abundans ingurgitato, effluvium, sed sensu ferè attingibile, sese  
 prorsus declarat. Si sunt hujusce morbi effectus generales, qui, pro ratione  
 circumstantiarum particularium, variè modificantur. Hic sermo non erit de Go-  
 norrhæâ, quam comitantur symptomata luis venereæ universalis, à multis  
 Gonorrhæâ virulentâ consecutivâ cognominatâ; operam duntaxat ponemus in  
 Gonorrhæâ virulentâ simplici, quam definimus infarctum, membranæ internæ  
 urethræ; infarctum, inquam, qui non differt ab illo membranæ pituitariæ  
 in morbo vulgò dicto *Cerebri distillatio rheumatica*, gallicè *Rhume de Cerveau*, &  
 membranæ internæ pulmonum, in thoracis distillatione rheumaticâ, *Rhume de*  
*Poitrine*. Hunc morbum igitur cognominamus *Paritum genitalium Rheuma*. Enim  
 verò, titillatâ membranâ pituitariâ, humor inde manans, serosus primum est,  
 subindè abundans, tum spissatus, virescens, & nonnunquam adeò putidus, ut  
 corrosivus evadat. Idem contingit relativè ad humorem ex urethrâ disfluentem;  
 primo, secundo, tertio-ve die, limpidus & pellucidus exsudat, dùm subsistit ille  
 pruritus, doloris motor subsequens; deindè densatur humor, & viridem ac-  
 quirrit colorem, vel subflavum. Id solum discriminis hunc inter duplicem affec-  
 tum existit, quòd stimulus, in alter-utro, propriâ suâ natura discrepet. Auuma-  
 bant veteres; effluvii Gonorrhæalis materiam gigni ex ulceribus interiora cana-  
 lis convessientibus; quæ opinio ad usque nostra tempora invaluit, sed nunc  
 feliciter elevata, frequentissimis & diversis dissectionibus cadaverum, morbo  
 dicto, defunctorum. Sola inflammatio membranæ internæ, stimulo venereo pro-  
 creata, Gonorrhæam virulentam simplicem constituit. Tunc præstat effluvis humo-  
 ris, qui nimium excedens, & diutius subsidens ulcera generare potest; nec mi-  
 rum quod plurimi in hoc erraverint Medici.

### I I I.

**A**QUA à Medicis præscripta, fluidum illud sanitati conservandæ tam neces-  
 sarium, etiam cum ea morbo vincitur, utilissima quoque meritò reperta  
 est. Hæc substantia, splendidissimis post experimentis *Cl. Viri D. de Lavoisier*,  
 (ut idioma ingeniosum usurpem illustrissimorum *DD. Morveau, ipsius etiam de*  
*Lavoisier, Bertholet & Fourcroy*) conflata *hydrogeneis & oxygeneis*, per totum or-  
 bem latè perfluit & circumfluit; illa vitam fovet, eique suâ naturâ prodest  
 quam maximè, propter vitalem aërem quem atmospheræ subministrat, &  
 respirationi idoneam accomodat. *gazum azoticum nudum*, id est, spoliatum spi-  
 ritu vitali, quocum contactu gaudebat, neque respirationi, neque combustioni  
 inservire potest; *oxygeneum purum* animalibus lethale foret, quòd vitam eis,  
 licet gratiorem, compendiosiore efficeret.

Aquæ diversas tribuimus virtutes medicinales è diversis statibus ejus desump-  
 tas. Hic tantum intelligatur Aqua sana & verberata, in quâ sapo dissolvitur, quæ  
 que legumina, macerat, emollit & coquit.

Aqua, in statu glaciei, tonica est & astringens; spectata ut fluidum frigidum,  
 diluens est & corroborativa; fluidum calidum, fit emetica, & relaxans; in



vaporem resoluta, emolliens, temperans & leniens. Quæ singulæ proprietates faciunt, ut, tum internè, tum externè, usus ejus adhibeatur.

## I V.

**M**ISSA longâ enumeratione mediorum vulgò adhibitorum, cum expugnandus est morbus de quo hîc tractamus, præcipua tantum in tres classes dividemus.

1<sup>o</sup>. In primum ordinem adducemus remedia quibus morbi spatium protrahitur, nedum sint salutaria cum morbum multo longiorem efficient quam si naturæ curis derelictus fuisset. Hæc inter, pono Hydrargica, à multis veteratoribus adhibita, sive ad interiora, sive ad exteriora. Sunt enim, agente mercurio, præsertim in systema lymphaticum, sit abundantius effluvium.

Camphora, opium, & ejusdem naturæ sexcenta alia, in Gonorrhæâ virulentâ prodesse nequeunt, in quâ plerumque sola sufficit inflammatio, ut liberè defluat effluvi materies, quæ non sine periculo, ferius arceretur. Sal nitri non debet præscribi; cujus effectus nullus sit, si parvâ dosi administretur; si magnâ, tunc purgat, nec explet munus præscriptionis.

2<sup>o</sup>. In secundâ classe continentur media quæ sunt periculosa. Ex hoc numero sunt astringentia quæ ocyus effluvium exhibent, id est, antequam humor virulentis particulis expurgatus fuerit; undè fit ut resorbeatur in massam fluidorum universalem, cui virulentiam communicat, & lue venereâ totum systema inficit. Quare cum astringentibus cujus-ve generis, rejiciendæ sunt Aquæ minerales vulgò dictæ *Eaux de Passy*. Quid enim injectionibus stipticis perniciosius? Uno verbo, quælibet injectio semper proscribenda.

3<sup>o</sup>. Ad tertiam classem revocamus diluentia & refrigerantia, quorum virtutes ad aquam pertinent quâ saturantur. Aqua sola potest ea supplere.

## V.

**P**RÆLATIS facibus ratiocinatione & experientiâ tutus incedit Medicus Clinicus. Sed theoria sibi soli derelicta, sit invalida: quâ deficiente vicissim experientia sola redolet Empiricen; ita ut rectius dixerimus, superesse illud phantasma, cui, nostris adhuc diebus, infelicissimè erigantur altaria.

Gonorrhæa virulenta, ut jam asseruimus, est localis affectus inflammatorius qui ex se sæpissimè & absque auxilio sanatur, (ut plures affirmant celeberrimi Autores) scilicet quotiescumque diætâ constanti, seu laudabili victus ratione, coercetur diathesis phlogistica. At verò si debilior sit natura, quæritur quænam sit indicatio præsens? Ea simplicissima est, utpotè exigit remedium sibi affine & conveniens, æquè simplex ac ipsa indicatio, medium reverà commune, nec minus parabile in urceolo pauperis, quam in vasis crystallinis divitum: aquam ipsam dixerim, variis modis administratam. Indicatio præbet expugnandam inflammationem localem & levem, quæ effectus est causæ stimulantis. Causa verò est humor membranam internam urethræ stimulans, qui, nisi caveatur, fiet irritans & corrodens; ope aquæ faciliè retunduntur molecule humoris; aqua eas diluit, dissolvit, ab invicem separat, debilitat vires cohesionis, arcet contactum immediatum, denique actionem in partes contactas irritam efficit. Tunc cessat irritari membrana interna; & tandem sedatur, minuitur, & evanescit inflammatio; nec si prorsus desinat effluvium, sit tam leve ut brevi finem optatum consequatur.



Ponatur aliquis temperamento phlegmatico donatus, cujus fibra sit remissa. Si laborat morbo de quo differimus, tunc lentius deprehenduntur symptomata, effluviis primorum dierum subito intermittitur, propter mediocritatem inflammationis necessariae. Hoc in casu medium haurimus in aquâ, sub formâ glaciei intus, parvâ dosi sumptâ, quæ tunc virtute tonicâ fruitur. In temperamenti verò inflammationi obnoxii, maximi est momenti Aqua nec frigida nec calida; & in gravi inflammatione, lotiones aquæ calidæ, quas alternabunt fumigationes in partes sexuales; sunt, ausim dicere, remedium præsentissimum. Plurima exempla aquæ in hoc morbo adhibitæ, sunt nostræ sanandi rationis fundamenta.

Jamjam se attollunt in hanc doctrinam permultæ objectiones, quibus, omiſſâ prolixiori enarratione, fidenter respondebimus: non hodiè primum *experientiam sæpius experientiâ victam fuisse.*

Hæc omnia adducunt nos ut rectè concludamus, aquâ solâ sanari Gonorrhæam virulentam.

*Ergo in Gonorrhæâ virulentâ Aqua simplex.*

### DOMINI DOCTORES DISPUTATURI.

*M. Joannes-Franciscus MARI-  
NIER, Chirurgiæ latino idio-  
mate Professor.*

*M. Ludov.-Carolus HALLOT.*

*M. Augustinus ROUSSEL DE  
VAUZESME, Nosodochii  
Stampensii nuper Medicus.*

*M. Joannes-Baptista-Claudius  
JEANNET DES LONGROIS.*

*M. Josephus PHILIP, antiquus  
Facultatis Decanus.*

*M. Joannes D'ARCET, Chemia  
en Sal. Facultate, & in Col-  
legio Regio Professor, Regia  
Scientiarum Pariensis & Re-  
galis Medicinæ Matritensis &  
Vasconensis Academiarum So-  
cius.*

*M. Joannes-Jacobus LE ROUX  
DES TILLETS.*

*M. Franciscus-Nicolaus SI-  
MONNET, in Senatu Patro-  
nus, Scholorum Professor in  
annis 1788-89, designatus.*

*M. Franciscus THIÉRY DE  
BUSSY, Consiliarius Medicus  
Regis ordinarius in supremo  
Senatu Pariensi.*

Proponebat Parisiis, ANTONIUS BOTTMAN, Warſavæus, Consiliarius  
Aulicus S. M. Regis Poloniæ, Doctor Rhemus, nec-non Saluberrimæ Facul-  
tatis Medicinæ Parisiensis Baccalaureus, Theſeos Author. A. R. S. H. 1787.

AB OCTAVA AD MERIDIEM.

Typis QUILLAU, Universitatis & Facultatis Medicinæ Typographi, 1787.